

Авариялық брони бар тұтынушыларды энергиямен жабдықтау ережесі мен шарттарын бекіту туралы

Күшін жойған

Қазақстан Республикасы Үкіметінің 1998 жылғы 12 наурыздағы N 207 Қаулысы. Күші жойылды - Қазақстан Республикасы Үкіметінің 2015 жылғы 21 тамыздағы № 657 қаулысымен

Ескерту. Күші жойылды - ҚР Үкіметінің 21.08.2015 № 657 қаулысымен (алғашқы ресми жарияланған күнінен бастап қолданысқа енгізіледі).

Р Қ А О - н ы ң е с к е р т п е с і .

ҚР мемлекеттік басқару деңгейлері арасындағы өкілеттіктердің аражігін ажырату мәселелері бойынша 2014 жылғы 29 қыркүйектегі № 239-V ҚРЗ Заңына сәйкес ҚР Энергетика министрінің 2015 жылғы 30 наурыздағы № 245 бұйрығын қараңыз.

Ескерту. Тақырыбы жаңа редакцияда - ҚР Үкіметінің 2004.10.29 N 1131 Қаулысымен.

Қазақстан Республикасының электр энергиясын беруде үзілістерге жол беруге өмірлік маңызды объектілерін үздіксіз электрмен жабдықтау, бұл объектілердің авариялық бронь бойынша тұтынған электр энергиясы үшін уақытылы кепілдікті ақы төлеуін қамтамасыз ету, электр энергетикасы объектілерінің жұмысында төлем жасау себебі бойынша кідіріске жол бермеу мақсатында Қазақстан Республикасының Үкіметі қаулы етеді:

1. Қоса беріліп отырған Авариялық брони бар тұтынушыларды энергиямен жабдықтау ережесі мен шарттары бекітілсін.

Ескерту. 1-тармаққа өзгерту енгізілді - ҚР Үкіметінің 2004.10.29 N 1131 қаулысымен .

2. Қазақстан Республикасының Энергетика және минералдық ресурстар министрлігі Қаржы министрлігімен бірлесіп, Қазақстан Республикасы Төтенше жағдайлар министрлігімен келісім бойынша бір айлық мерзім ішінде республикалық маңызы бар үздіксіз электрмен жабдықтау объектілерінің тізбесін жасасын және оны Қазақстан Республикасы Үкіметінің бекітуіне ұсынсын, сондай-ақ оларға арналған авариялық бронның шамасын белгілесін.

Ескерту. 2-тармаққа өзгерту енгізілді - ҚР Үкіметінің 2004.10.29 N 1131 қаулысымен .

3-5. Алынып тасталды - ҚР Үкіметінің 2004.10.29 N 1131 қаулысымен.

Премьер-Министрі

Қазақстан

Республикасы

Үкіметінің

2004

жылғы

29

қазандағы

№

1131

қаулысымен

бекітілген

Авариялық брони бар тұтынушыларды энергиямен жабдықтау ережесі мен шарттары

Ескерту. Ереже жаңа редакцияда берілді - ҚР Үкіметінің 2004.10.29 N 1131, тақырыпқа өзгерту енгізілді - 2006.07.13 N 669 (ресми жарияланған күнінен кейін он күнтізбелік күн өткен соң қолданысқа енгізіледі) қаулысымен.

Осы Ережелер, электрмен ажыратып тастау адамдардың өмірі үшін қауіп тудыратын немесе апаттық немесе экономикалық зардаптарға әкеп соғатын Қазақстан Республикасының шаруашылық инфрақұрылым ұйымдары электр энергиясымен қамтамасыз етудің тәртібін айқындайды және оны бергені үшін төлем жасаудың тәртібін белгілейді.

1. Осы Ережеде пайдаланылатын ұғымдар

Үздіксіз электрмен жабдықтау объектілері (бұдан әрі - ҮЭО) - оларды ажыратып тастау адамдардың өліміне, тіршілікті қамтамасыз ету объектілері жұмысының бұзылуына, апаттық экологиялық, әлеуметтік немесе экономикалық зардаптарға апарып соғуы мүмкін, технологиялық себептеріне байланысты үздіксіз электрмен жабдықтауды қажет ететін мемлекеттік және жеке меншік нысандағы шаруашылық инфрақұрылым объектілері.

Авариялық бронь - оны беру үздіксіз электрмен жабдықтау объектісінің ол үшін маңызы бар құрылғыларының жұмыс істеуін сақтайтын және тіршілікті қамтамасыз ету объектілері жұмысының бұзылуын, сондай-ақ апаттық экологиялық, әлеуметтік немесе экономикалық зардаптарды немесе адамдардың өлімін болдырмайтын ең аз қажеттіліктегі электр қуаты.

Электр энергетикасы объектілері жұмысының айрықша режимі - электр энергетикасы объектілерінде ірі технологиялық бұзылулар кезінде енгізілетін м ә ж б ү р л і р е ж и м .

Ескерту. 1-бөлімге өзгеріс енгізілді - ҚР Үкіметінің 2011.06.09 № 649 (алғашқы ресми жарияланған күнінен бастап қолданысқа енгізіледі) Қаулысымен.

2. Авариялық броньмен қамтамасыз етілетін объектілер

1. Олар үшін авариялық бронның шамасы белгіленетін үздіксіз электрмен жабдықтау объектілерінің тізбесіне мыналар кіреді:
мемлекеттің қауіпсіздігін қамтамасыз ететін объектілер;
теле-радиокоммуникациялар;
сумен жабдықтау, кәріз және жылумен жабдықтау кәсіпорындары;
емдеу мекемелері;
олардың ұсталуы бюджетте көзделген өртке қарсы қауіпсіздікті қамтамасыз ететін объектілер;
титан және магний электролизі тәсілімен үздіксіз өндіретін металлургиялық кәсіпорындардың объектілері;
әуе қозғалысына қызмет көрсетуді қамтамасыз ететін аэронавигациялық ұйым объектілері.

Ескерту. 1-тармаққа өзгеріс енгізілді - ҚР Үкіметінің 2006.07.13 N 669 (ресми жарияланған күнінен кейін он күнтізбелік күн өткен соң қолданысқа енгізіледі), 2011.06.09 № 649 (алғашқы ресми жарияланған күнінен бастап қолданысқа енгізіледі) Қаулыларымен.

2. ҮЭО объектілерінің тізбесіне енгізілген әрбір объект үшін энергиямен жабдықтаушы және/немесе энергияны беруші ұйымдар ҮЭО өкілімен бірлесе отырып, энергиямен жабдықтаудың авариялық және технологиялық броні актісін жасау тәртібі туралы нұсқаулыққа сәйкес авариялық броннің актісін жасайды, онда авариялық броннің шамасы мен объектіні қоректендіру схемасы көрсетіледі.

Авариялық бронның актісі уәкілетті органға (жергілікті атқарушы орган) жіберіледі. Авариялық бронның актісі энергиямен жабдықтау шартына және/немесе электр энергиясын беру шартына міндетті қосымша болып табылады.

3. Уәкілетті орган (жергілікті атқарушы орган) авариялық бронь актілерін алған соң тиісінше әрбір өңір үшін авариялық бронды жабуға арналған қажетті қуаттың жиынтық шамасын белгілейді.

4. Әрбір ҮЭО үшін авариялық бронның шамалары көрсетіліп ҮЭО тізбелері жүйе операторына беріледі.

3. ҮЭО объектілеріне арналған электр энергиясын берудің тәртібі

5. Әрбір ҮЭО қалыпты жұмыс істеуі үшін қажетті көлемдегі электр энергиясын жеткізуді электрмен жабдықтаушы және/немесе энергия беруші ұйым, белгіленген тәртіппен жасасылған, екіжақты шарттың негізінде жүзеге

а с ы р а д ы .

Ш а р т ж а с а с у к е з і н д е :

мемлекеттік мекеме болып табылатын ҮЭО облыстық қаржы басқармасының осы мекеменің электр энергиясын тұтыну жөніндегі шығыстарына бюджетте көзделген қаражаты туралы жазбаша растау береді;

мемлекеттік кәсіпорын немесе өзгеше ұйым болып табылатын ҮЭО энергиямен жабдықтаушы және/немесе энергия беруші ұйымға Қазақстан Республикасының заңнамасымен белгіленген тәртіппен ресімделген банкілік к е п і л д е м е н і б е р е д і .

Облыстық қаржы басқармасының жазбаша растауы және банкілік кепілдеме энергиямен жабдықтауға және электр энергиясы: беруге арналған шарттардың ажырамас бөлігі болып табылады.

6. ҮЭО электрмен жабдықтаушы және/немесе энергия беруші ұйымның берген электр энергиясы үшін шоттарына төлем жасамаған кезде электрмен жабдықтаушы және/немесе энергия беруші ұйым ҮЭО-ге электр энергиясын жеткізуді авариялық бронь деңгейіне дейін шектеуге құқылы, бұл туралы өзінің құрамында ҮЭО бар ұйымға кемінде 14 тәулік бұрын ескертеді.

7. Төтенше жағдайлар туындаған кезде (жер сілкінісі, су тасқыны, басқа да табиғи зілзалалар) ҮЭО-ге электр энергиясын жеткізуге арналған шарттық міндеттемелерді атқаруды электрмен жабдықтаушы және/немесе энергия беруші ұйым Қазақстан Республикасы Үкіметінің шешімі бойынша тоқтата тұруы мүмкін. Бұл жағдайларда электр энергиясын бөлу барлық электрмен жабдықтаушы және/немесе энергия беруші ұйымдар үшін міндетті болып табылатын оның нұсқауы бойынша жүзеге асырылатын болады.

8. ҮЭО-ге электр энергетикасы объектілері жұмысының айрықша режимі кезінде электр энергиясын жеткізу өңірдің авариялық бронь өтеу үшін қажетті электр энергиясы мөлшерін ҮЭО үшін жеткізуді қамтамасыз ететін энергия беруші ұйымдар әзірлеген схемалар бойынша жүзеге асырылуы тиіс.

4. ҮЭО үшін электр энергиясын беру бойынша есеп айырысулардың тәртібі

9. Ажыратылмайтын объектілердің бекітілген тізбесіне кіретін ҮЭО үшін шарттар бойынша берілетін электр энергиясы үшін энергиямен жабдықтаушы ұйыммен есеп айырысулар Қазақстан Республикасының қолданыстағы заңнамасына сәйкес жасасылған екі жақты шарт негізінде жүргізіледі.

10. ҮЭО-нің электр энергетикасы объектілері жұмысының айрықша режимі кезеңіндегі авариялық бронды өтеуге тұтынылатын және/немесе берілетін электр энергиясы үшін есеп айырысуларды электр энергиясын іс жүзінде беруші

жеткізуші

жүргізеді.

11. ҮЭО авариялық бронь деңгейіне дейін шектеу жағдайы туындаған кезде, авариялық бронь бойынша тұтынылған және/немесе берілген электр энергиясы үшін есеп айырысулар:

мемлекеттік мекемелер үшін электр энергиясын тұтынуға арналған шығыстарда көзделген бюджеттік қаражаттың есебінен;

мемлекеттік кәсіпорындар мен өзге де ұйымдар үшін - жасасылған шарттардың және банкілік кепілдеменің шеңберінде жүзеге асырылады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК